

MEMORIA FUNCIONAL DA PROPOSTA DE RELACIÓN DE POSTOS DE TRABAJO

CONSELLERÍA: SANIDADE

1. INTRODUCCIÓN

Código RPT:	SA-2026-002-M
Descripción:	amortización e creación de dúas prazas
Obxecto da proposta:	Amortización e creación de dous postos de Inspector/a veterinario/o de saúde pública de Matadoiro

Esta modificación da relación de postos de traballo da Consellería de Sanidade ten como obxectivo a amortización de dous postos e a conseguinte creación doutros dous, en ambos casos correspondentes inspector/a veterinario de saúde pública de Matadoiros.

Esta modificación de RPT non implica unha nova denominación e recodificación de postos.

2. MODIFICACIÓNS QUE SE PROPOÑEN EN POSTOS DA CONSELLERÍA

2.1 CREACIÓNS

2.1.1 POSTOS FUNCIONARIOS

Motivo do Cambio: CAMBIO NON ORGÁNICO

Xustificación Textual:

- Posto no departamento territorial da Consellería de Sanidade na CORUÑA: A Comarca de Melide está dotada na RPT vixente cun único posto de inspector/a veterinario/o de saúde pública de Matadoiro, que presta servizos no Matadoiro Avícola Avigrao en Melide.

A complexidade das funcións da inspección e a carga de traballo (de conformidade coa memoria xustificativa que achega o Departamento Territorial da Coruña), evidencian a necesidade de dotar a este matadoiro cun segundo posto de inspector veterinario. De non facelo, imposibilitaríase atender a inspección veterinaria da actividade deste matadoiro e o normal desenvolvemento da súa actividade económica, dado que o responsable deste establecemento xa ten manifestado reiteradamente que vaise continuar co aumento da actividade do matadoiro, ata duplicar a mesma, o que sería inasimilable coa dotación actual.

- Posto no departamento territorial da Consellería de Sanidade en OURENSE: Constatouse (de conformidade coa memoria xustificativa que achega o Departamento Territorial de Ourense) o aumento da carga de traballo no matadoiro de Beade-Ribadavia debido á tipoloxía de gando recibido para o seu sacrificio, observándose un aumento de gando vello e de animais para o sacrificio de urxencia, o que fai necesario reforzar o cadro de inspectores/as veterinarios/as deste matadoiro cun efectivo adicional, para os efectos de poder asumir as segundas taxacións solicitadas polo operador do establecemento, así como o incremento significativo da carga de traballo que xera o establecemento.

C. Destino	Código posto	Denominación	Niv.	Grupo	F.Pro.	Corpo/Escala	Adm.	A.Fun.	Observacións
SERVIZO VETERINARIO SAÚDE PÚBLICA (ZONA: SANTIAGO)	SAC992000515770042	INSPECTOR/A VETER. SAÚDE PÚBL. MAT.COMAR. MELIDE	24	A1	C	ESV	AXG		
SERVIZO VETERINARIO SAÚDE PÚBLICA (ZONA: OURENSE)	SAC992000532001053	INSPECTOR/A VETER. SAÚDE PÚBL. MAT.COMAR. RIBADAVIA	24	A1	C	ESV	AXG		

2.2 AMORTIZACIÓNS

2.2.1 POSTOS

Motivo do Cambio: CAMBIO NON ORGÁNICO

Xustificación Textual: Amortizar o posto de Inspector/a Veterinario de Saúde Pública de Matadoiro comarcal de Xinzo de Limia, vacante por tratarse dun matadoiro con baixa definitiva de actividade.

C. Destino	Código posto	Denominación
SERVIZO VETERINARIO SAÚDE PÚBLICA (ZONA: VERÍN)	SAC992000532840021	INSPECTOR/A VETER. SAÚDE PÚBL. MAT.COMAR. X. LIMIA

Motivo do Cambio: CAMBIO NON ORGÁNICO

Xustificación Textual: Amortizar o posto de Inspector/a Veterinario de Saúde Pública de Matadoiro na Coruña, vacante por xubilación do titular en 16/12/2025.

C. Destino	Código posto	Denominación
SERVIZO VETERINARIO SAÚDE PÚBLICA (ZONA: A CORUÑA)	SAC992000515001018	INSPECTOR/A VETER. SAÚDE PÚBL. MAT.COMAR. A CORUÑA

En definitiva:

A presente proposta ten por obxecto a redistribución de efectivos de persoal inspector veterinario de Saúde Pública de matadoiro, coa finalidade de adecuar a dotación de persoal ás necesidades reais derivadas da actividade dos distintos establecementos.

Estas creación e amortizacións responden ás seguintes necesidades funcionais:

- No matadoiro de Ribadavia-Beade, produciuse un incremento significativo da carga de traballo derivado, entre outros factores, do aumento dos sacrificios de urxencia, incidencias de benestar animal, comisos e volume de xestión documental, o que fai necesario reforzar o cadro de persoal inspector.
- No matadoiro da comarca de Melide, a existencia dun único posto de inspector veterinario resulta insuficiente para asumir a actividade ordinaria e extraordinaria do establecemento, con



prolongacións de xornada e risco para o normal funcionamento do mesmo.

- Pola contra, o posto de Xinzo de Limia resulta amortizable debido ao peche definitivo do matadoiro, mentres que o posto da Coruña se atopa vacante por xubilación, permitindo a súa redistribución.

Asinado electronicamente en Santiago de Compostela
A secretaria xeral técnica
Natalia Lobato Mosquera

